

# UNSC dengar rintihan pelarian Rohingya

→ Bakal bertemu pemimpin Bangladesh, Myanmar

## ► Kutupalong

Ratusan etnik Rohingya mengadakan demonstrasi ketika wakil Majlis Keselamatan Pertubuhan Bangsa-Bangsa Bersatu (UNSC) mengunjungi pelarian di Bangladesh, yang sehingga kini menempatkan kira-kira 700,000 penduduk yang melarikan diri dari Myanmar, sejak tahun lalu.

Malah, ada sebilangan pelarian beragama Islam yang menitikkan ear mata, ketika menceritakan peristiwa sedih, termasuk insiden pembunuhan dan rogol yang ber-

laku di Myanmar.

Penunjuk perasaan turut memegang poster bagi mendesak keadilan bagi pihak pelarian, sebelum mereka diarahkan bersurai oleh pihak polis.

## UNSC desak Rohingya dibenar pulang ke Rakhine

Sementara itu, delegasi diplomat kanan yang mewakili 15 anggota UNSC, termasuk anggota tetap, iaitu Amerika Syarikat, Russia, China, Britain dan Perancis tiba di Bangladesh, kelmarin, bagi mengadakan lawatan selama empat hari di kem pelarian di negara itu.

Lawatan itu adalah susulan desakan UNSC supaya Rohingya dibenarkan ke kampung halaman masing-masing, sekali gus menamatkan diskriminasi terhadap etnik itu.

Setibanya di Bangladesh, delegasi UNSC berkenaan dibawa mengunjungi kem Konarpura, iaitu kawasan di antara sempadan Bangladesh dan Myanmar yang kini didiami kira-kira 6,000 etnik

Rohingya.

Menurut pemimpin Rohingya di kem itu, Dil Mohammad, anggota UNSC ada menemubual beberapa wanita yang menjadi mangsa keganasan di Rakhine, Myanmar, selain memimpin masyarakat.

"Kami memberitahu mereka bahawa kami tinggi di sini kerana ingin menyelamatkan nyawa. Kami tidak sabar mahu balik ke negara kami, tetapi dengan jaminan keselamatan oleh PBB," katanya.

Delegasi itu turut melawat kem pelarian terbesar di Kutupalong.

Mereka juga dijadual mengadakan perbincangan dengan Perdana Menteri Bangladesh, Sheikh Hasina hari ini, sebelum berlepas ke Myanmar, untuk bertemu pemimpin kanan negara itu, Aung San Suu Kyi.

Ketika ini, Myanmar berdepan dengan kritikan masyarakat antarabangsa susulan kekejaman pihak tentera terhadap etnik Rohingya pada Ogos lalu, yang disifatkan oleh PBB sebagai tindakan pembersihan etnik.

AFP

